



Kalaallit Airports A/S
Qeqertanut 1, 3. etage
Box 2000
3900 Nuuk
Att.: Morten Thrane

**Nuummi mittarfiup allineqarneranut atatillugu ikuallattoornissamut
sungiusarfiup pilersinneqarnissaanut ASN-imut suliami allannguutissatut
nalunaarutip misissuiffiqineqarnerani aalajangiineq**

Brevdato: 14-05-2024
Sagsnr.: 2023 - 7444
Akt-id: 24112146

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup (Naalakkersuisoqarfiup) 23. januaari 2024-mi ASN-imut nalunaarummi¹ ilanngussaq 3 naapertorlugu “Nuummi Mittarfiup allineqarnera” pillugu ASN-imut suliap allannguutissatut nalunaarut Kalaallit Airports Holding A/S-imiit (KAIR) tiguaa.

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Suliamut allannguutissatut nalunaarut Nuummi Mittarfiup allineqarneranut atatillugu ikuallattoornissamut sungiusarfimmik pilersitsinermut tunngasuvoq.

Tunngavigisaaq

1. marsi 2019-imi Nuummi Mittarfiup allineqarnissaanut ASN Naalakkersuisunit akuerineqarpoq. Mittarfiup allisap ingerlanneqarneranut atatillugu ikuallattoornissamut sungiusarfimmik pilersitsinissaq pisariaqarpoq, tak. Angallanermut Aqutsisoqarfiup malittarisassiai “*Ikuallattoornermut annaassiniarnermullu aalajangersakkat 3-9*”.² Malittarisassani ilaatigut allassimavoq, mittarfimmi allisami “*Qatserisartut annaassiniartartullu sungiusarfimmik, suliaassanut sungiusarnissamut atugassanik peqartussaasut*”, tak. imm. 8.5. Nalunaarummi allassimavoq, ikuallattoornissamut sungiusarfiup pilersaarusiorneqarnerani mittarfinnut 8-9-nik qaffasissusilikkanut piumasaqaatit malinneqartussaasut, taakkunungalugu ilaatigut timmisartut 76 meterit tikillugit takissusillit aamma 7 meterit tikillugit silissusillit ilaatinneqarput.

ASN-imut nalunaarummi allassimavoq, ikuallattoornissamut sungiusarfik pingaarnernik marlunnik immikkoortoqartussaasoq: Qatserivik qajannaarsukkamik allequtalik, imermut errortuutikumut katersuivimmik/tasinngortamik kinguartitsisartumik, aammalu tankimut imermik qatserutissamik imalimmut nunamut assaatamut ruujorilerlugu sanaameqartoq. 2) Atortut motorillit atorlugit annaassiniarnissamut sungiusarnissamut sungiusartarfik.

Imermut errortuutikumut katersuivik pilersaarusiorneqartoq katillugit 312,5 m³-nik imaqarsinnaassaaq. Sungiusarfissat Nunap Tungaanut ungalut tunuanni sananeqassapput – tassalu mittarfimmi suliaqarfiusup, Air-ip Tungaani

¹ Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliuitit pillugit Namminersorlutik Oqartussat nalunaarutaat nr. 5, 27. marts 2015-imeersoq

² <https://www.trafikstyrelsen.dk/media/13689/BL%203-9%20om%20brand-%20og%20redningstjeneste.pdf>

taaneqartartup avataani. Sungiusarfissat Air-ip Tungaaniit ungalut matorsuat aqqutigalugu toqqaannartumik tikinneqarsinnaasunngorlugu sananeqassapput, taamaalillunilu qamutit assakaasullit qatserinermut annaassiniarnermullu atortussat, taakkunungalu qapunnik qatserutit ilanngullugit, mittarfeqarfimmiit sungiusarfimmut pisinnaassallutik.

Naalackersuisoqarfimmiit naliliinermi avatangiisini pissutsit uku immikkut eqqumaffigineqarput:

- Sungiusarnernut atatillugu akuutissanik kemikalianillu assigiinngitsunik atuneq, taakkununga ikuallattumik aallartitsinermut qatserinermullu atorneqartut ilanngullugit.
- Imermut errortuutikumut katersuivik/tasinngorta qinguartitsisartoq taaneqartoq
- Imerkik errortuutikumik passussineq piaanerlu, tassunga erngup errortuutip uuliat kemikaliallu akorisinnaasai.

Aalajangiineq

Ikuallattoornissamut sungiusarfimmik pilersitsiniarnermi suliassamut allannguut ASN-imut nalunaarut naapertorlugu ASN-iliortussaataitaanermut tunngaviliinngilaq.

Aalajangiinermut tunngaviusoq

Ikuallattoornissamut sungiusarfiup pilersinneqarnissaanut “Nuummi Mittarfiup allineqarnissaa” pillugu ASN-imut suliassamut atatillugu KAIR-ip suliassamut allannguutissatut nalunaarutaa, suliassap allannguutissaata avatangiisinut sunniutissaatut naatsorsuutigisat naliliiffiginiarlugit misissorneqarput.

Mittarfiliorneq sanaartugaavoq ASN-imut akuerineqarsimasoq, taamaattumillu suliassamut allannguutissaq ASN-imut malittarisassat malillugit suliassamut allannguutissat imminnermini ASN-iliortussaataitaaffiunersut naliliiffiginiarlugit nalunaarutigineqartussaapput, tak. ASN-imut nalunaarummi § 5, imm. 2. Ikuallattoornissamut sungiusarfissap inissinneqarfissaa ingerlanneqarfissaalu suliqarfimmi, ASN-imut nassuiaammi suliarineqarsimasumi, aammalu ASN-imut akuersissummi malittarisassiuunneqarsimasumi inissisimavoq.

Ukiorpassuarni Nuummi Mittarfimmi ikuallattoornissamut upalungaarsimanermullu sungiusartoqartarsimane Naalackersuisoqarfiup aalajangiinermi pingaartippaa. Taamaattumik upalungaarsimasut kemikalianik ikuallassinnaasunik uulianillu akulinnik kuisoornernik isumagisaqarnissaq sungiusimavaat. Naalackersuisoqarfiup iluarisimaarlugu maluginiarpaa, siunissami qapuit PFOS/PFAS-inik akoqanngitsut atorneqartarniarmata. KAIR qapuit tunisassiat atorneqartussat pillugit inaarutaasumik aalajangeereerpat, paasisutissat allattorsimaffiat Naalackersuisoqarfimmut akuerisassanngorlugu nassiuunneqassaaq.

Imermut errortuutikumut katersuivissatut pilersaarutigineqartup imartunera peqqutigalugu, sungiusarmissaq sioqqullugu kukkusumik tanki katersuivik imaarneqanngikkaluarpalluunniit, qatserinermi imeq kuutsinneqartoq

qatserutikumut katersuivimmi unitsinneqarsinnaalluassaaq. Nalunaarummi allassimavoq, KAIR-ip tankimi katersuivimmi misissugassanik tiguisarnissamut ruujorimik immikkoortumik pilersaaruteqartoq, imermit qatserutikumit misissugassat tassuuna misissoqqissaagassatut tiguneqarsinnaassallutik. Naalackersuisoqarfiup maluginiarpaa, qatserinermut sungiusarfiup ukiumi ataatsimi atorneqareernerani, erngup qatserutikup kemikaliat akui nikingassutsillu nalinginnaasut paasineqarluartut naliliisoqarpat, misissugassanik tiguisarnerit ikilisinneqarnissaat KAIR-imit siunnerfigineqartoq. Misissoqqissaagassatut tunngavigineqartuni ilaatigut kulbrintit fluorillu akuusut eqqarsaatigineqartassapput.

Imeq errortuutikoq Kommuneqarfik Sermersooq, avatangiisinut oqartussaasut misissugassanik tiguisarnissamik aamma imermik errortuutikumik misissueqqissaarnissamik pisariaqartitsinermik aalajangersaasusaaq isumaqatigiissuteqarfigereerlugu iginneqartassaaq. Misissueqqissaarnerit inernerit tunngavigalugit Kommuni oqartussaasut misissugassanik tiguisarnerup ingerlannarnissaa, kiisalu erngup qatserutikup peerneqartarnissaa pisariaqartinneqarnerisooq pillugu aalajangiisinaavoq.

Nalunaaruteqarnermi najoqqutarisat avatangiisinillu naliliinerit tassunga atorneqartut, avatangiisinullu naliliinerit, ASN-imut nalunaarummi suliarineqartunut sanilliunnerit tunngavigalugit Naalackersuisoqarfik naliliivoq, suliassamut nalunaarut malillugu suliassaq nunami avatangiisinut imaluunniit avatangiisinut allanut (taakkununga naasut uumasullu, nipiliornerit, silaannarmik mingutsitsinerit, silap pissusii il.il. ilanngullugit) annertuumik sunniuteqassanngitsoq.

Suliassamut allannguutissat tunngavissat matuma siuliani taaneqartut tunngavigalugit avatangiisinut annertuumik sunniuteqartussaannngimmat, ASN-imut nalunaarut naapertorlugu suliassanut allannguutissat ASN-iliortussaataaffiussanngillat.

Tamanut saqqummiussineq aamma naammagittaalliornissamut ilitsersuut ASN-imut nalunaarummi §§ 22 aamma 23 naapertorlugit Nunalerinermut, Imminut Pilersornermut, Nukissiutitut Avatangiisinullu Naalackersuisup aalajangiineq Namminersorlutik Oqartussat nittartagaanni www.naalackersuisut.gl kiisalu nuna tamakkerlugu najukkanilu tusagassiutini tamanut saqqummiutissavaa.

Aalajangiineq avatangiisinik allanngutsaaliuinermit inatsimmi³ § 60, imm. 1 naapertorlugu Avatangiisinik Illersuinissaq pillugu Maalaaruteqartarfimmut, ASN-imut nalunaarummi § 33 naapertorlugu Naalackersuisunit pilersinneqartumut maalaarutigineqarsinnaavoq.

³ Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

Avatangiisinik allanngutsaaliuinnermut inatsimmi § 60, imm. 2 naapertorlugu maalaaruteqarnissamut pisinnaatitaaffeqarput:

- Aalajangiiffigisaasoq
- Nakorsaaneqarfik
- Kikkulluunniit suliap inerreqarneranut ataasiakkaarlutik imaluunniit annertuumik soqutigisaqartutut ilimagineqartariaqartut
- Peqatigiiffiit kattuffiillu, malittarisassanik malillugit sukisaarsaarnermut, avatangiisinut pinngortitamullu soqutigisanik annertuunik isumaginninnissamik siunertaqartut

Avatangiisinik allanngutsaaliuinnermut inatsimmi § 60, imm. 3 naapertorlugu maalaaruteqarnissamut piffissaliussaq sapaatit akunnerinik arfinilinnik sivissuseqarpoq, ullormit aalajangiiffiusumit naatsorsorlugu.

Maalaarutaasinnaasut uunga nassiunneqassapput:

Nunalerinnermut, Imminut Pilersornermut, Nukissiutinut Avatangiisinullu
Naalackersuisoqarfik
Imaneq 1A
Postboks 1614
3900 Nuuk
E-mail: pan@nanoq.gl

Tamatuma kingorna Naalackersuisoqarfiup maalaarut najoqqutassanik, suliap naliliiffigineqarneranut ilaatinneqartunik ilaqartillugu Avatangiisinik Illersuinissaq pillugu Maalaaruteqartarfirmut nassiutissavaa. Tamatuma peqatigisaanik suliami akuusut suliami maalaarummik tigusaqartoqarnera pillugu ilisimatinneqassapput.

Maalaaruteqartarfiup aalajangiineri allaffissornikkut oqartussaasunut allanut ingerlateqqinneqarsinnaanngillat, tak. Avatangiisinik innarlitsaaliuinnermut inatsimmi § 60, imm. 4.

Avatangiisinik innarlitsaaliuinnermut inatsimmi § 63, imm. 1 naapertorlugu inuit tamat maalaarutaat piffissami Avatangiisinik Illersuineq pillugu Maalaaruteqartarfiup maalaarutaasinnaasunik suliaqarfiani atuuttussanngortitsisinnaanngillat, tamatumani Naalackersuisut allamik aalajangiinngippata.

Piffissap maalaaruteqarfiusussap naanissaa sioqqullugu illuliassat sanaartugassallu aallartinneqassanngillat, tak. Avatangiisinik allanngutsaaliuinnermut inatsimmi § 64, imm. 1.

Aalajangiinerup nalunaarutigineqarneraniit qaammatit arfinillit qaangiutsinnagit aalajangiineq eqqartuussivimmut suliakkiissutigineqarsinnaavoq, tak. Avatangiisinik innarlitsaaliuinnermut inatsimmi § 65.

Inussiarnersumik inuulluaqqusillunga



Natuk Lund Olsen

Naalakkersuisoqarfimmi pisortaaneq

Nunalerinermut, Imminut Pilersornermut, Nukissiornermut Avatangiisinullu

Naalakkersuisoqarfik